



ORATIO

ANNIVERSARIA

In THEATRO Collegii Regalis

Medicorum *Londin.* &c.



ORATIO

ANNIVERSARIA

IN

THEATRO Collegii Regalis

MEDICORUM

LONDINENSIVM;

EX HARVÆI Instituto,

Habita Die 18^o OCTOBRIS, 1738.



LONDINI:

Apud GUL. INNYS & RIC. MANBY, illustrissimæ
Regiæ Societatis Typographos.

MDCCXXXVIII.



DOCTISSIMO VIRO

THOMÆ PELLETT M. D.

PRÆSIDI Dignissimo,
SOCIISQUE ORNATISSIMIS

Collegii Regalis Medicorum

LONDINENSIIUM;

HANC

ORATIONEM

Illorum Hortatu editam,

Eâ quâ par est Observantiâ,

D. D.

Johannes Newington.



Digitized by the Internet Archive
in 2019 with funding from
Wellcome Library

<https://archive.org/details/b30780111>



ORATIO

ANNIVERSARIA, &c.



I eorum, qui in hac incla-
ruerunt Palæstra, Vobis,
Socii ornatissimi, jucunda
semper, nec infructuosa sit
recordatio; aliis certè nec
arrogans videri potest, nec superba, homi-
num de Vobis, de Literis, de Re-publica
optimè meritorum, solennis hæc nostra
Commemoratio. Quod munus, à clarif-
simo Præsidente mihi demandatum, minùs
defugi-

defugiendum putabam, quòd hoc argumentum tractantem nec deficere solet orationis materies, nec fido narratori vestra deesse benevolentia.

HÆC domesticæ virtutis exempla, quæ quotidie admiramur, in medium proferri quotannis voluit *Harvæus*, plurimis ipse virtutibus abundans, quòd sine invidiâ dilexit alienas; cujus summæ sapientiæ cùm in cæteris rebus, in nulla magis vel consilii vel amoris apparent indicia, quam quòd hodiernum diem antecessorum nostrorum memoriæ sacrum posuerit. Hanc enim solennitatem instituit Vir sagacissimus, non ut Oratoris voce suum decantaretur nomen, quod nullo indiget præconio, sed ut majorum pulchrè facta, auribus animisque nostris inculcata, non solùm admirationem, sed imitandi desiderium excitarent; ut quorum imagines undiquaque affixas

affixas intuemur, ad eorum exempla nostros effingamus mores, eundemque laudis & laboris cursum assequi enitamur. Præclarum hoc fanè consilium! quo nihil, vel ad animum beatissimi Senis explendum, vel ad nostros accendendos excogitari potest aptius. Quid autem est æquius, quam per quos ita ipsi profecimus, ut aliis optulari possimus, eorum beneficentiam grato animo commemorare? Quid honestius, quam ut, qui fontes Medicinæ & omnis politioris literaturæ penè interclusos aperuerunt, in eorum laudes nostra redundaret Oratio?

E tantâ autem clarissimorum hominum copiâ, quem priùs deligendum putem, quam vestrum Conditoem *Linacrum*? qui cùm primus in hunc locum vos convocavit, primas laudationis jure sibi vendicat. Cujus animum scientiarum studio flagran-

tem cùm domi non erat quod expleret, in
 exteras gentes ille literarum mercator pro-
 peravit, & omni pretiosâ supellectili
 onustus divitias animi undique conquiritas
 in gremium patriæ redux effudit. Cujus
 ea fuit eruditio, in omni ferè studiorum
 genere exercitata, ut viros sui sæculi pri-
 marios, cùm doctrinæ copiâ, tum sermo-
 nis elegantia, longè superaret, & ad vete-
 rum usque scriptorum laudem pervenisse
 putaretur. His naturæ dotibus, his doctri-
 næ subsidiis instructus, & ad ardua quæ-
 cunque munera capeffenda quam maximè
 idoneus, hoc satis sibi laudi fore existima-
 vit, si rem medicam tractando augeret,
 auctam stabiliret, & ad varios hominum
 usus & necessitates accommodaret.

IN Professoriâ medicinæ cathedram
 evectus, insigni cùm gravitate & differendi
 subtilitate eam sustinuit provinciam, ne-
 que

que minorem sibi famam reportavit, quam Academiae attulit dignitatem; unde nominis sui celebritate in aulam evocatus, utraque partes, & valetudinem *Arthuri* principis tuendi, & mores formandi, tam feliciter explevit, ut in dubio sit utrùm scientiis instructior, an virtutibus ornatior eminebat.

IN his muneribus fungendis occupatus, maturè jam tandem, ad id perficiendum quod diu meditatus est, omnes cogitationes animique vires contulit; ut, per quem bonæ literæ artis suæ comites & ministræ amissum recuperaverant splendorem, ejusdem ope & auxilio medicinæ pristinus redderetur nitor. Vidit, & vidisse doluit, nescio quos, de fæce, de triviis, indoctos ægrorum salutem summâ cum audaciâ in se suscepisse, quibus sublevandis vix pares sunt junctæ doctissimorum vires. Vidit,

& acerbè tulit, in eum se locum fuisse adductum, ubi vel quoddam cum pessimis, quibuscum bellum gerendum esse sempiternum duxit, artis habendum erat confortium, vel salus optimorum turpiter deferenda. Hoc non fivit misericordia, illud respuebat animi magnitudo; in quo discrimine versatus, id egit, quod probi est & honesti, dum suum civibus opitulandi officium præstare, & medicorum pariter vellet consulere dignitati. Te igitur, Rex munifice, Te, *Henrice*, implorabat; non malè judicans, qui religioni laboranti subvenisti, qui literarum fautor acerrimus exististi, medicinæ etiam commodis Te non defuturum. Probè enim novisti, scientiarum Professores, quò arctiori societatis & amoris vinculo conjuncti, eò uberiores ingenii & industriæ fructus edituros. Neque tua Te de nostris rebus fefellerunt auguria; tot enim, in hoc Gymnasio exerci-

tati,

tati, ita in suo singuli genere separatim elaborârunt, ut veluti *Æneæ* arma *Vulcani* manu fabricata, non modò nitida & ornata prodierit Medicina, sed mente ferè divinâ efficta, & ad impetus morborum propulsandos quam maximè accommodata.

At parùm fuit *Linacro*, hoc literatorum sodalitium gratiâ suâ stabilire, suis laboribus augere, eorumque consiliis interesse, quod illi cum aliis commune, nisi, quod proprium ei & singulare, ipse primus nascentibus Comitibus præesset. In quo munere obeundo, cujus illi facultas videbatur pulcherrima, quamdiu per ætatem licuit, continuò versatus, ut alii itidem illius memoriam retinerent gratissimam, singulari prudentiâ effecit. Cùm verò apud vos diutiùs commorari non posset, ædes, quarum copiam ad consilia medica commiscenda

miscenda vivus fecerat, moriens testamento legavit; ut non modò nullis suæ vitæ terminis circumscriberetur, sed in omne ævum benevolentiae fructus permaneret.

QUIS igitur hunc laudatum virum laudandus ipse subsequetur, nisi qui illius amantissimus monumento mortuum decorabat, qui vestrū studiosissimus illius vestigiis penitūs insistebat, summā & doctrinæ & ingenii gloriā præditus *Johannes Caius*? Neque enim gratius, aut præstabilius quicquam se potuisse judicabat, quam si illum, qui vestris rebus promovendis valdè incubuerat, omnibus modis sibi ad imitandum proponeret. An ille in *Italian* peregrinatus est? in idem literarum domicilium hic festinavit, ubi græcis literis institutus alios non longo intervallo publicè instituebat, ut, quemcunque laboris fructum collegerat, multo cum fœnore non ingratus

ingratus rependeret. An ille domum reversus fui animi benevolentiam in Vos totam profudit? neque dissimili hic amore profecutus est; quem vestri Juris tenacissimum, statutorum observantissimum vix infirma ab officio abduxit valetudo, vix appropinquans senectus avocavit. Ea nimirum intercessit morum similitudo, ea voluntatum & studiorum consensio, ut licet utrisque idem contigerit honorum decursus, unum eundemque utriusque personam sustinuisse, vix alterum alteri successisse crederes.

EXIMIUM itaque hunc hominem, cum ob linguarum peritiam, & medendi solertiam magnoperè demiror, ob hoc præcipuè colendum esse censeo, quòd non solum præsentibus, sed futuris commodis prospexit, quòd apud *Cantabrigienses* literarum sedem stabilivit, unde profluxit uber-

rima

rima virorum copia huic societati studiis & laboribus semper profutura, ubi tantæ celebritatis & doctrinæ fundamenta posuit nullâ memoriâ tacendus *Harvæus*.

C A I O igitur, quòd Virum insignissimum literis erudiendum esse curavit, *Caldwaldo*, quòd illius in anatomicis disquisitionibus studium excitavit, debitos honores persolvamus. *Caldwaldi* nescio utrùm magis admirer in pecuniis erogandis liberalitatem, an in destinandis felicitatem; cujus multis & præclaris virtutibus hic laudis cumulus accedit, quòd ex illâ, quam fundavit, Prælectione Chirurgicâ ingens *Harvæi* emanavit gloria.

H A R V Æ O naturæ recessus intimos scrutanti, non opinionum commenta, neque futes quorundam conjecturæ, sed summa in diffecando industria, & accurata huma-

næ fabricæ contemplatio veritatis aditum patefecerunt. Probè enim fenferat, non alio quam ex anatomico fonte morborum sedes effe petendas, neque malè intellecto sanguinis recurſu, poſſe anatomiam ullo modo illuſtrari. Ad hunc igitur dilucidandum ſe accinxit, in hoc elaboravit, donec ſuum pulcherrimum inventum certis experimentis & indubitatis rationibus confirmatum & doctiſſimorum aſſenſum alexerat, & linguas compreſſerat invidorum. Quantas medicinam exercentibus utilitates attulit, neque propoſitum nobis eſt hoc loco, neque dicere neceſſarium; aliorum inventa ex hoc unico derivata, eorum præcipuè qui hæc intra mœnia ſtudiis anatomicis præcelluerunt, ingrati eſſet animi non commemorare. Cùm verò ſuum Hepati uſum tribuit *Gliffonus*, ſuos ſingulis glandulis *Whartonus*, cùm cerebri mæandros feliciter inveſtigavit *Williſius*, cor-

C

diſque

disque fabricam uberrimè explicuit *Lowerus*, anatomiam, illam medicinæ altricem, à nostratibus mirificè excultam non immeritò gloriamur; sed huic omni, quod illustravit aliorum diligentia, signum aliquod & quasi facem prætulit *Harvæus*.

Hæc communia nobiscum beneficia exteræ collaudabunt gentes; sed ea, quæ nos propiùs spectant, quæ nos in Tui, Vir charissime, admirationem rapiunt, tacitus nullo modo præterire possum. Quòd cœnaculum condideris, concordiam promovendi studium, quòd libris Biliothecam instruxeris, erga literas voluntatem declarasti; sed quòd sponte, vivus, tuo Te patrimonio exueris, & medicis usibus assignaveris, hoc propè inauditum Te fecisse, ipsi cum admiratione obstupescimus, vix fidem adhibebunt posterì. Hic igitur loci, hos intra parietes, memoriam Tui jucundissimam

diffimam nulla unquam delebit ætas; quoties enim illucescet festus hic dies, toties de tuis maximis beneficiis, toties de tuis inventis utilissimis, toties de tuâ pœnè incredibili liberalitate grata Medicorum familia prædicabit.

ET SI hoc solenni gratulationis die nihil luctuosum & acerbum, nihil non prosperum & jucundum Vos audire conveniat, tamen in memoriam communium miserrarum incurrendum est, nè *Hamæus*, vivus & moriens Vestrûm memor, oblivione prætermitti videatur. Cùm enim graves Temporum & varii vestri casus hoc *Lycæum*, *Linacri* consiliis stabilitum, *Caii* benevolentia amplificatum, & *Harvæi* famâ undique honestatum, in rerum omnium certamen atque discrimen perduxêre; non semel atque iterum, sed sæpiùs; non in uno aliquo, sed in omni benefaciendi genere

Patronus adfuit, subsidium attulit *Hamæus*. Quicquid vetustate erat collapsum, quicquid incendio vastatum, quicquid temporis acerbitate abreptum, quicquid denique rude & imperfectum, id omne vel restituit, vel perfecit, vel novo splendore exornavit *Hamæi* munificentia.

DUM nostrorum antecessorum vestigiis diligenter insistimus, & totius vitæ cursum animo & memoriâ repetimus; quo labore & virtute, quibus gradibus alii tantam famam & dignitatem assecuti sunt, magnâ cum voluptate observamus. Alios autem, quorum singulos processus notare non licet, cum admiratione attoniti intuemur, quòd ad maximam amplitudinem non ascendere videntur, sed evolare. Talis erat *Johannes Radclivius*, cujus ingenium, ut *Apellis Venus*, simul adspectum & probatum est. Inerat quippe ei naturale in
dijudi-

dijudicando acumen, singularis in præci-
piendo facultas, & mira quædam in expe-
diendo felicitas; erat in delectu remedio-
rum peritus, in compositione aptus, in usu
parcus, ita tamen parcus, ut nè quid de-
esse, nè quid desiderari videretur.

QUID de iis dicemus, qui nescio quan-
dam ignominiaë notam tali medico inurere,
& infami ignorantiaë labe memoriam no-
minis dedecorare velint? Suis isti perfru-
antur erroribus, si qui parùm eruditi, at
non parùm arrogantes, de nostrâ arte te-
nuiter, de se magnificè sentientes, ad eun-
dem gloriaë apicem se putent evasuros,
quem pœnè diffisi sunt attingere vel peri-
tissimi. Brevem quidem & instabilem
laudem rudes & ignaros aliquos adeptos
esse non diffitemur; sed famâ inclarescere
diuturnâ, & usque ad extremum vitæ cur-
sum medicorum Principem regnare, non
modò

modò vulgi opinionem conciliare; sed assensum prudentiorum cogere, sine literis, sine quâdam doctrinæ conformatione, prorsus incredibile videtur. Tanto igitur Viro, cui farraginem medicamentorum exterminatam, cui dignitatem Artis amplificatam, cui largiora quotidianæ laudis & laboris incitamenta debemus, huic mortuo nè dene- gemus honores, quibus vivus fruebatur amplissimis, cui suum semper constabit decus, quamdiu apud Vos medicinæ, apud *Oxonienes* literarum vigebit gloria.

Quòd si Vir ille eximius, leviter, uti quidam opinantur, disciplinis instructus, summum inter sui temporis medicos nomen consecutus sit, qualem & quantum fuisse eum existimemus, cui par ingenium, doctrinam longè uberiores, acerrimum scientias investigandi studium accessisse uno omnes ore confitentur? Talem equi-
dem

dem contemplant, qualem vix singulis ætatibus effloruisse accepimus, statim mihi in animo occurrit clarissimi *Freindi* imago. De quo Viro dicturus, unde mihi in tantâ rerum copiâ dicendi initium sit capiendum, hæreo. An à studiis politioribus, quibus à pueritiâ mirificè fuit deditus? An à severioribus, quibus increfcente jam ætate vehementer incubuit? In utrisque assiduus, non modò in his, quibus nullo modo carere, sed in illis, quibus non satis commodè carere potuit, elaboravit. Quantam Medicinæ operam navavit, immortalia loquentur scripta, eâ doctrinæ copiâ referta, eâ styli elegantia exornata, ut legentium animos majore, dicam, fructu expleverint, an voluptate. De singulis quid verba faciam, coram Vobis præsertim, quorum & oculis omnia pervolvuntur avidissimis, & pœnè sensibus infixæ hærent abditissimis? An id igitur tacebo, cujus vel
recor-

recordatio Vobis est gratissima? An omnipotius laude dignum prædicabo, cujus Vos ipsi participes illius vigiliis & laboribus lucem & dignitatem attulistis? Eam volo variolas medendi methodum, (novam, dicam, vel ab eo renovatam?) à linguis malevolorum tandem vindicatam, in humani generis salutem vestris sub auspiciis stabilitam.

At neque fuis ille scriptis satis se Medicinæ fecisse arbitratus est, nisi artis studiosos consiliis adjuvaret, &, quantum fieri potuit, sui similes efficeret. Quibus cum apertum fuit pectus, omnesque animi cogitationes lubenter communicatæ; tum quicquid ingenii acumen investigare, quicquid usus & exercitatio coacervare potuit, id omne de suo penu depromere, & in communem efferre fructum gaudebat. Indignum quippe homine ingenuo libero-
que

que judicabat, ea velle celare quæ plurimis ufui effe poffunt & faluti, eaque tanquam divina quædam remedia venditare, quæ, cùm in lucem fuerint prolata, vel maximè ufitata novis involucris obteâta, vel nullius effe pretii, vel omninò periculofa reperiuntur. Has malas omnique odio profequendas non modò averfatus eft artes, fed nè ulla quidem tanti dedecoris in eum caderet fufpicio, vitæ prohibebat integritas. Quòd fi fumma eruditio, quò pluribus ftipata virtutibus, eò fit amabilior, five hominis fidem fpectetis fingularem, five apud fuos morum comitatem, five denique apud omnes probitatem, neque in ullo unquam gratior enituit, neque pulchrior. Novit enim Vir experientiffimus, utcunque cætera non defint, neminem in hoc ftadio diu cum laude verfari, cujus non ingenio & doctrinæ mores accrefcunt integerrimi. His artis præfidiis armatus, his dignitatis

ornamentis instructus, quid mirum, si ad summum Medicinæ culmen facilem sibi paraverit ascensum? Nullâ ille assentationis labe contaminatus, & ab omni notâ il-liberali immunis, honestâ accensus ambitione, suæ virtutis fretus adminiculis, rarò bene merentibus interclusam sibi ad opes, ad honores viam patefecit. Non præpotentium amicitias ambivit, sed bonorum conciliavit; quos cùm summè dilexit, & ab iis vicissim diligebatur, tum quale fuit illius erga Vos studium, quanta benevolentia, minimè dubium est vel obscurum. Quis enim vestris utilitatibus inservire, quis dignitati prospicere, quis laboranti auctoritati succurrere, aut ardentius cupiebat, aut majori unquam animi contentione enitebatur? Id nimirum animo proposuit, id unicè curavit, ut se suis civibus utilissimum, ut Vestri amantissimum ad supremum usque diem præstaret. In medio enim officiorum

ciorum cursu, quibus nulla unquam datur intermissio, heu! nimis brevi abreptus, nobis fui flebile desiderium, posteris memoriam nominis sempiternam, omnibus exemplum imitatione dignissimum reliquit.

SENTIO me in Viri dilectissimi laudes latiùs quam putabam excurrissè, & dum meæ velim obsequi voluntati, vobis ne sim molestus, minimè cogitâsse. Sentio perpaucos, quos commemoravi, parùm pro suâ dignitate celebratos, multos leviter salutatos, plures à me penitùs intactos relinqui; quorum omnium in tantâ copiâ laudibus immorari, neque si vellem, possem, neque, si possem, temporis concederent angustia. Quòd si Majorum facta memoriâ repetentem amissarum virtutum aliquo modo tangat desiderium, vestras, Viri amplissimi, spectatissimas contemplanti in

immensum animus prorumpit gaudium, neque se cohiberi finit. Quanta enim sese aperit gratulandi materies, cum in hoc literatissimorum hominum confessu, tot undique Antecessorum æmulos, & omnia laude digna præstantes intueri possim? Quos inter, Te, Præses dignissime, omni eruditionis genere abundantem, omni officiorum laude cumulatum, quis non lubens profitetur? Eximias, quibus inclarescis, virtutes mihi non est in animo recensere; at recens hoc tui erga nos amoris pignus neque fas est silentio præterire, quòd tui imaginem inter clarissimos artis principes jam tandem collocari finas. Nobis præsentibus pergratum cum feceris, neque Posteris minùs consuluisti, qui, tua cum pulchrè facta recoluerint, hâc se alent & recreabunt similitudine, quibus jucundiori aspectu frui non licet. Nos Te vivum intueri, Tecum colloqui & consilia miscere,

Te nostris commodis invigilantem nobis diu interesse, patere exoptemus; semper honoratum, semper charum, eò chariorem, quò diutius præesse dignaris. Vos autem, Socii præstantissimi, qui quotidianos editis virtutis & doctrinæ fructus, pergitis, uti facitis, quam vitæ rationem laudabiliter instituis, exemplo ornare, auctoritate protegere, & ab omni opprobrio vindicare. Pergite salutem civium prospicere, dignitati vestræ consulere, hanc denique Medicinæ arcem, tanquam Palladium vestræ fidei commissum, acriter defendere; quam summâ concordîâ & benevolentîâ munitam non malevolorum convitia, non effrænata Empiricorum audacia, extorquebunt.

F I N I S.



*BOOKS printed for W. INNYS and
R. MANBY, Printers to the Royal
Society, at the West-End of St. Paul's.*

I. **S**AMUELIS DALEI, M. L. Pharmacologia,
feu Manuductio ad materiam Medicam: in
qua Medicamenta officinalia simplicia, hoc est Mi-
neralia, Vegetabilia, Animalia eorumque Partes in
Medicinæ Officinis usitata, in Methodum natura-
lem digesta succincte & accurate describuntur. Cum
Notis Generum characteristicis, Specierum Syno-
nymis, Differentiis & Viribus. Opus Medicis,
Philosophis, Pharmacopœis, Chirurgis, &c. utilis-
simum. Ad calcem adjicitur Index duplex: Ge-
neralis alter, Nominum, &c. alter Anglico-Lati-
nus; in gratiam Tyronum. Tertia Editio, multis
emendata & aucta.

2. Johannis Freind, M. D. Serenissimæ Reginae
Carolinæ Archiatri, Opera omnia medica, folio.

3. A new Essay on the Nerves, and the Do-
ctrine of the animal Spirits rationally considered;
shewing the great Benefit and true Use of Bathing,
and drinking the *Bath Waters*, in all nervous Dis-
orders and Obstructions: With two Dissertations on
the Gout and on Digestion, with the Distempers
of the Stomach and Intestines. By Dr. *Kinnier*,
Physician at *Bath*, and Fellow of the Royal Col-
lege of Physicians at *Edinburgh*. The second E-
dition, with an Appendix, giving an account of
some

Books printed for W. Innys and R. Manby.

some alterative Medicines not commonly in Use; and their Effects confirm'd by practical Cases.

4. A natural History of Birds, illustrated with 205 Copper Plates, drawn from the Life, and exactly colour'd by the Author, *Eleazar Albin*. To which are added, Notes and Observations, by *W. Derham*, D. D. and F. R. S. 2 Vols. 4to.

5. A natural History of *English* Insects, illustrated with 100 Copper Plates, curiously engraven from the Life; and exactly colour'd by the Author, *Eleazar Albin*. To which are added large Notes, by *W. Derham*, D. D. and F. R. S.

6. *Synopsis Medicinæ*: or, A summary View of the whole Practice of Physick. Being the Sentiments of the most celebrated Authors in all Ages, relating to Diseases, their Causes and Cures; with most Cases in Surgery and Midwifery. To which are added, some Observations very rare and uncommon; and a curious Treatise of all Sorts of Poisons. In 2 Vols. By *John Allen*, M. D. and F. R. S. 8vo.

7. A Treatise of the Venereal Disease: In six Books; containing an Account of the Original, Propagation and Contagion of this Distemper in general. As also the Nature, Cause and Cure of all Venereal Disorders in particular, whether local or universal. Together with an Abridgment of the several Discourses which have been written upon this Subject, from the first Appearance of the Venereal Disease in *Europe* to this Time, with critical Remarks upon them. Written originally in *Latin* by *John Astruc*, Physician to his present Majesty the King of *France*, *Augustus II.* late King of *Poland*, and to his Highness the present Duke of *Orleans*;

Books printed for W. Innys and R. Manby.

leans; and now translated into *English* by *William Barrowby*, M. B. 2 Vols. 8vo.

8. A Treatise of the Fossil, Vegetable, and Animal Substances that are made use of in Physick, containing the History and Description of them; with an Account of their several Virtues and Preparations. To which is prefixed, An Enquiry into the constituent Principles of mixed Bodies, and the proper Methods of discovering the Nature of Medicines. By the late *Steph. Fr. Geoffroy*, M. D. Chemical Professor in the Royal Garden, Member of the Royal Academy of Sciences, and Fellow of the Royal Society. Translated from a Manuscript Copy of the Author's Lectures read at *Paris*. By *G. Douglas*, M. D. 8vo.

9. A Course of Chirurgical Operations, demonstrated in the Royal Garden at *Paris*. By *Monf. Dionis*, chief Surgeon to the late Dauphiness, and to the present Dutches of *Burgundy*. Translated from the *Paris* Edition. The second Edition. 8vo.

10. The History of Cold Bathing both ancient and modern. In two Parts. The first written by *Sir John Floyd* of *Litchfield*, Knt. The second treating of the genuine Use of hot and cold Baths. Together with the wonderful Effects of the *Bath* Water drank hot from the Pump, in decay'd Stomachs, and in most Diseases of the Bowels, Liver, Spleen, &c. Also proving that the best Cures done by the cold Bath, are lately observ'd to arise from the temperate Use of the hot Baths first. To which is added, An Appendix. By *Edward Baynard*, Fellow of the College of Physicians, *London*. The sixth Edition. 8vo.



